



Nedum in ecclesiis cathedralibus, sed etiam in collegiatis secularibus collatio seu provisio canonicatum spectat simultanee ad episcopum, et capitulum, nisi consuetudine aut pacto ad solum episcopum devoluta sit, et tunc excludit reservationem in vim alternativæ, *ibid. num. 5 ad 8.*

Quando canonicatus sunt simultaneæ collationis, indultum concessum ordinario suffragatur etiam capitulo, imo tunc si ordinarius reperitur exemptus a regula sanctæ cancellariæ, exemptio prodest etiam capitulo. *ibid. num. 9 et 10.*

In collationibus simultaneis episcopi et capituli tantum potestatem habet episcopus solus per se, quantam totum capitulum, et contra, ac disseritur quid stante discordia inducatur, *ibid. num. 11, 12 et 15.*

Sede episcopali vacante, vel episcopo a beneficiorum collatione suspensio, stante simultanea, collatio spectat ad capitulum jure proprio, sicut e contra, effecto inhabili capitulo, *ibid. num. 14.*

Possessio canonicatus, sive dignitatis, quæ sit de capitulo, capitulariter capi debet, aliter est nulla, nec est manutenibilis, quamvis fuisset capta de mandato exsecutoris litterarum apostolicarum, *ib. num. 15, 16 et 17.*

Ut possessio dicatur capitulariter capta, debet convocari capitulum ad sonum campanæ sub nullitatis rigore, nec de soni attestatione statur notario sine testibus, *ibid. num. 18 et 19.*

Possessio, ut dicatur capta, debet canonicus sedere in sede propria canonicatus, de quo agitur, et non in alia, et capta hora missarum cum assignatione stalli in choro, et loci in capitulo, est sufficiens, *ibid. num. 20 et 21.*

Habetur possessio pro capitulariter capta, si capitulum sine justa causa eam tradere recusavit, et eam allegans, eam probare debet, *ibid. num. 22 et 25.*

Habetur etiam pro capitulariter capta, si prima dignitas demandavit convocari capitulum, et vocati noluerint intervenire, nisi duo vel tres canonici, vel etiam unus alius injuste reluctantibus, *ibid. num. 24 et 25.*

Aliquo impedimento existente, propter quod possessio capitulariter capi non possit, sufficit si aliter capiatur, et quod sit legitime capta, justificatur ex actibus canonicalibus per canonicum gestis cum presentia, et patientia capituli, nunquam tamen in præjudicium tertii, *ibid. num. 26 ad 29.*

An canonicus qui facto alterius injuste impeditus fuit, quominus possessionem canonicatus apprehenderet, pro possessore a principio habendus sit tum contra ipsum impediendum, tum contra tertium, cui jus interim fuit quæsitum, *ibid. num. 46 et seqq.*

Canonicatum injuste possidens, superveniente sibi novo titulo valido, potest continuare possessionem ipsam de facto, mutato solum primo jure et titulo possessionis, quæ mutatio ipso jure statim facta, intelligitur data notitia secundi tituli, etiam absque alia declaratione, *ibid. num. 50.*

Imo si canonicus falsus diu stetit in possessione, et deinde a papa obtinuit provisionem, non est necessaria nova apprehensio, et installatio, *ibid. num. 51.*

Pro admissione ad possessionem canonicatum, aut præbendarum, et distributionum quotidianarum, sunt prohibita certæ conditiones, seu deductiones ex fructibus, solutiones, promissiones, etc., *ibid. n. 52, 53 et 54.*

Idcirco consuetudo donandi aliquid in ingressu, et admissione alicujus ad canonicatum est sublata per concilium, prout et illa secundum quam provisivi solvunt cæteris prandium, et talis consuetudo est abolenda, et assignatur etiam alia consuetudo per idem concilium abrogata, *ibid. num. 55 et 56.*

Nequidem episcopus cum consensu capituli statuere potest ut aliquid minimum solvatur in in-

gressu canonicorum, nec ei liceat quidquam sibi accipere pro collatione canonicatus, non obstante etiam immemorabili, *ibid. num. 57 et 58.*

Non improbantur autem statuta et consuetudines de serviendo per annum, vel aliquod tempus, et nihil percipiendi interim de massa grossa; vel de inserviando ante illius participationem per plures annos, missasque celebrandi gratis, *ibid. num. 59 et 60.*

Valet etiam et servanda est consuetudo ecclesiæ Astensis, quod fructus spectent ad capitulum, donec beneficiatus sit sacerdos, ut etiam constitutio facta per episcopum et capitulum post Tridentinum ad solvendam certam quantitatem ratione novæ possessionis canonicatum pro fabrica ecclesiæ, *ib. num. 41 et 42.*

Consuetudo, ut duobus primis annis, quibus quis fuerit canonicus, fructus sint hæredum antecessoris, non comprehenditur in prohibitione, reprobatum tamen etiam immemorabilis non admittendi ignobilem et parum scientificum in canonicum cathedralis, *ibid. num. 43 et 44.*

Occasione questionis, an capitulum pro possessione canonicatus aliquid exigere possit, varia ad canonicum juris historiam pertinentia referuntur, *ib. num. 49 et seqq.*

Interpretatur concilium Tridentinum, *sess. 24, cap. 15, De reform. ibid. num. 54 et seqq.*

An et quando condici valeat statutum de aliquo exigendo a canonico pro canonicatus possessione, *ibid. num. 59 et seqq.*

Episcopi et capituli concurrentiæ in canonicorum electione, *ibid. num. 64 ad 75.*

Potestas episcopi in erectione canonicatum de jure patronatus, *ibid. num. 74.*

Formula erectionis et collationis hujusmodi canonicatus, *ibid. num. 75. Vide verb. Formula.*

CANONICATUS QUOAD ÆTATEM REQUISITAM IN CANONICIS, ET DIGNITATIBUS, ET QUOAD TEMPUS INTRA QUOD TENENTUR SUSCIPERE ORDINES ANNEXOS SUIS CANONICATIBUS ET DIGNITATIBUS.

Variam Ecclesiæ disciplinam circa ætatem canonicorum ecclesiarum cathedralium. Vide in *verb. Canonicatus, art. 3 num. 54.*

Ætas requisita et sufficiens ad obtinendum canonicatum in ecclesia collegiata est ætas quatuordecim annorum, si ex sua fundatione, vel statuto, aut consuetudine nullam requirat sacrum ordinem, idque etiam in collegiata, in qua spectat cura animarum canonicis, non uti singulis, sed uti unitis; si autem e contra requiritur ætas viginti quinque annorum saltem inceptorum, quæ nec est necessaria, quando canonicatus vel dignitati cura animarum non subest principaliter, sed solum accessorie est ipsi unita, *ibid. num. 1 ad 6. Vid. verb. Ætas, ad quod remittitur circa ætatem requisitam ad dignitates sine cura in collegiatis, sub num. 24 et 25 et num. 56.*

Ætas requisita et sufficiens ad canonicatus cathedralis, ubi est facta distributio sacrorum ordinum, est illa quam exigit ordo canonicatus; at ubi non est facta talis distributio, requiritur ætas annorum viginti duorum inceptorum, *ibid. num. 7 et 8 num. 55.*

Quandonam dicatur consuetudo vel statutum adnexuisse nec ne ordinem sacrum canonicatibus, *ibid. num. 57.*

Interdum onus susceptionis sacri ordinis afficit canonicos, non item est adnexum canonicatibus, et de hujus propositionibus effectibus. Vide *ibid. num. 58.*

Ætas requisita ad dignitates, vel personatus, quibus nulla subest cura animarum, in cathedralibus est viginti duorum annorum, ubi vero subest, requiritur ætas viginti quinque annorum saltem inceptorum, et hæc etiam requiritur ad dignita-

tem ecclesiæ cathedralis, cui fit distributio missæ cantatæ per turnum infra hebdomadam, *ibid. num. 9 ad 11.*

Canonici supranumerarii possunt recipi in anno quarto decimo, sed adveniente tempore præbendæ, debent esse in ætate integra, *ibid. num. 12.*

Canonici, qui in cathedralibus et collegiatis ecclesiis obtinent canonicatus, dignitates, vel personatus, quibus aliqui ordines sunt adnexi, tenentur eundem ordinem requisitum intra annum suscipere, et ideo debent in ea ætate constituti esse, ut infra annum possint ad ordinem requisitum promoveri, *ibid. num. 13 ad 15.*

Annus statutus ad se promoveri faciendum ad sacros ordines computari debet non a tempore collationis factæ, sed a die habitæ pacificæ possessionis; dummodo per provisum non steterit, *ibid. num. 16.*

Canonici, qui ad sacros ordines suis canonicatibus, dignitatibus, vel personatibus adnexos se intra annum, justo impedimento cessante, promoveri non faciunt, extunc donec promoti fuerint, privantur voce in capitulo, et dimidia parte distributionum, *ibid. num. 17.*

Imo canonici ad requisitos ordines infra annum non promoti possunt aliis penis, etiam privationis, puniri: et prædicta privationis dimidiæ partis distributionum poena locum habet, quamvis sustentationem canonici, ea tamen poena non intelligitur de extraordinariis distributionibus, quæ scilicet dantur pro funeralibus, seu anniversariis, nisi hæc sint unitæ cum horis, *ibid. num. 21 ad 25.*

Nullam tamen poenam incurrunt canonici, si ad ordines requisitos non promoveantur intra annum propter justum impedimentum; ut nec etiam incurrunt dispensatus a papa, ut in ætate v. g. sexdecim annorum, vel in alia sufficienti, canonicatum in cathedrali obtinere possit, *ibid. num. 24 et 25.*

Canonicus dispensatus super ætate ad obtinendum canonicatum, si promoveri non curavit ad ordines, postquam ad legitimam ætatem pervenit juxta formam in dispensatione præscriptam, distributiones non acquirit, quamvis choro inserviat, at non prius cogendus est ad sacros ordines promoveri, quam ad 22 annos pervenerit, *ibid. num. 26 et 27.*

Canonicus in sacris non constitutus vocem in capitulo aliquo pacto acquirere seu præscribere non potest, et non subdiaconus nec vocem consultivam in electionibus et synodo habet, *ibid. num. 28 et 29.*

Præsides vero in capitulo, etiamsi non sit in sacris, in eo proponere, ac resolutiones accipere potest, atque prælati ecclesiæ collegiatae, etiamsi sacris ordinibus careat, præsentia ac vox in capitulo competit, *ibid. num. 50 et 51.*

Canonicus in ecclesia collegiata habens canonicatum, cui neque jure communi, neque ex consuetudine, institutione, aut statuto, annexus est aliquis ordo, præsertim sacer, obtinere potest, et percipere distributiones, licet nunquam hujusmodi sacrum ordinem suscipiat, vocem tamen in capitulo habere non potest, *ibid. num. 52 et 55.*

CANONICI ET DIGNITATES QUOAD FIDEI PROFESSIONEM, ET PENAS EAM OMITTENTIAM.

Canonici et dignitates ecclesiæ cathedralis tenentur a die adeptæ possessionis ad minus intra

duos menses fidei professionem facere non solum coram episcopo, vel ejus vicario generali, sed etiam coram capitulo; et hoc magis ac magis declaratur. Vide *verb. Canonicus, art. 4, num. 1 ad 5.*

Sede episcopali vacante non sufficit fidei professionem facere coram solo capitulo, sed debet etiam fieri coram vicario capitulari, et ea fieri debet personaliter, et non sufficit per procuratorem, *ibid. num. 4 et 5.*

De sententia sacre congregationis concilii super professione fidei emittenda a canonicis vel beneficiatis per procuratorem, *ibid. num. 55.*

Dato quod provisos canonicus præsens in curia non possit statim ad residendum accedere, solet tunc sacra congregatio concilii illum admittere ad professionem fidei coram et in manibus datarii, vel cardinalis præfecti sacre congregationis, et etiam coram Urbis vicario, non obstante quod in litteris provisionis adsit decretum emittendi in manibus episcopi, *ibid. num. 6.*

Fidei professionem tenentur denuo facere etiam illi canonici, qui jam antea eam emisserant in adeptione alterius similis beneficii, et qui denuo adipiscuntur in cathedralibus ecclesiis canonicatum, vel dignitatem, quam antea habuerant, et dimiserant, *ibid. num. 7 et 8.*

Hæc fidei professio fieri debet saltem intra duos menses a die adeptæ possessionis, dignitatis, vel canonicatus in ecclesia cathedrali; talis tamen terminus non currit proviso qui non accepit possessionem, quamvis per eum stet quominus eam accipiat: imo ad effectum ut incipiant currere prædicti duo menses, non sufficit fuisse adeptam possessionem, sed requiritur possessio pacifica, *ibid. num. 10 et 11.*

Si intra prædictos duos menses a die adeptæ realiter pacificæ possessionis talis canonicus non emisserit dictam fidei professionem, non per hoc solutus est ab obligatione illam imposterum emittendi, *ibid. num. 12.*

Canonici et dignitates ecclesiæ cathedralis tenentur utro sese offerre ad faciendam fidei professionem, adeo ut non requiratur ad hoc prævia monitio, et eam omittentes peccant mortaliter, nisi per ignorantiam, inadvertentiam, aut oblivionem ipsam facere omittant, *ibid. num. 13 ad 15.*

Canonici et dignitates cathedralis non facientes fidei professionem uti supra, ultra peccatum mortale, incurrunt etiam fructuum amissionem, in hac tamen non includuntur distributiones quotidianæ, nisi omnes redditus canonicatus in iis consistent, *ibid. num. 16 ad 18.*

Prædicta poena amissionis fructuum intelligenda est solum de fructibus decurrentibus post lapsum duorum mensium, et professio fidei ex post facta non proficit ad recuperandos fructus amissos post dictos duos menses, sed solum ad acquirendos futuros, *ibid. num. 19 et 20.*

Fructus canonicatus et dignitatis ob omissionem professionis fidei non acquisiti debent applicari in usus pauperum, vel in fabricam ecclesiæ beneficii, si indigeat, quoties tamen omittentes habeant fructus distinctos, et separatos a mensa capitulari, *ibid. num. 21 et 22.*

Episcopus non potest condonare hujusmodi fructus amissos ob non factam fidei professionem, sed solum sancta sedes, vel sacra congregatio, *ibid. num. 23 et 24.*

Licet canonicis cathedralis omittentibus fidei professionem possessio canonicatus nihil suffragetur quoad fructuum perceptionem, suffragatur tamen quoad titulum et proprietatem talis canonicatus, et quoad vocem habendam in capitulo, et jus præcedentiæ, et cætera alia jura a die adeptæ possessionis, et inde juvantur regula de triennali ad

